



MEDIA RELEASE

Kinta, 22 Abril 2010

Dezenvolvimentu Kampu Kitan Approva ona

Dezenvolvimentu Foun iha Area Dezenvolvimentu Petroleu Konjunta (JPDA)

Kampu Naran	: Kitan
Fatin	: Area Dezenvolvimentu Petroleu Konjunta (JPDA) -Timor Sea
PSC	: JPDA 06 -105
Operador ba PSC	:Eni JPDA 06-105 (40%)
Parseiros ba PSC	: INPEX (35%), Talisman (25%)
Status	: Planu Dezenvolvimentu Aprova

Autoridade Nacional Do Petróleo (ANP) hakarak tatoli ba publiku katak hafoin halo tiha avaliasaun no diskusaun, klarifaksaun no simu tiha dokumentus adisional nebe'e operador fornese no ho konsente husi Komisaun Konjunta nebe'e representa Governo Timor Leste no Australia, approva ona Planu Dezenvolvimentu Kampu Kitan (FDP-Kitan) iha loron 22 Abril 2010.

Iha loron 11 Abril 2008, Eni JPDA 06 -105 nudar operador deklarara kampu Kitan nudar *commercial discovery* no iha loron 18 Maio 2008 ANP deklarara Area Dezenvolvimentu ba kampu Kitan. Baseia ba rekerimento iha PSC JPDA 06 -105, tinan ida depois de deklarasaun ba area dezenvolvimento husi ANP, operador tenki hatama Planu Dezenvolvimentu.

Kampu Kitan nia lokalidade iha tasi klean 305m to'o 335m, Norte Weste husi kampu Gas Condensado Bayu Undan. Kampu Kitan nia *Oil density* mak 59^o API no nia *reservoir* ho clean 3300 m tasi okos. Tuir *mid case scenario*, kampu Kitan akumulama mina to'o 68.8 Milliaun Barrils STTOIP (Initially In Place), ho nia *recovery factor* mak 50 %, nebe indika katak ultimo rekoprasaun husi kampu ne'e bele to'o 34.6 MMstb.

Mina (Hydrocarbons) iha kampu ne'e sei produs, procesa no rai uja *Floating Production Storage and Offloading vessel* (FPSO). Iha posu tolu iha tasi okos mak sei produs mina; Kitan-3, Kitan-4 no Kitan 2-ST1 (*appraisal well* ne'e fura iha tempu eksplorasaun nebe'e sei fura fila fali atu sai posu

produsaun) no posu ba produsaun hirak ne'e sei liga ba FPSO. Produsaun husi posu tolu ne'e sei kontrola tuir *horizontal subsea 'Christmas trees'*. FPSO sei maneja 'Christmas trees' hirak ne'e tuir presaan hidroliku, eletrisidade no *control signal*.

ANP aseita mos planu konaba Saude, Siguransa de servisu no Meiu Ambiente husi operador tanba tuir ona rekerementu iha regulamentu no *guidelines* nebe'e existe ba JPDA.

Approximasaun kustu total ba Dezemvolvimentu kampu mina Kitan mais ou menus USD 1 billiaun.

Tau importansia ba rekerementu OHSE (Saude, Siguransa de servisu no Meiu Ambiente), Kampu mina Kitan loke oportunidade foun ba empregu no mos treinamentu ba sidadaun Timor Leste no ba residencia permanenti sira.

Eni JPDA 06 -105 kontinua esplora atu konfirma resultadu ba "*prospects*" hirak nebe'e identifika ona iha bloku JPDA 06-105. Sei iha posu esplorasau rua mak Eni atu fura iha tinan 2010 nia laran iha area kontratu ne'e.

Se iha perguntas ruma kona ba media release ida ne'e, bele kontaktu Sr. José Gonçalves, Director ba Area Dezemvolvimentu Petroleu Konjunta (JPDA) tuir email: jose.goncalves@anp-tl.org ka telefone ba numero +670 3324098.